

Li Funnamenta di la vita.

Si addumanni a un gran filosofu , di la nostra vita qual è lu bagagliu ?
iddru sicuru arrispunni pruntamenti, libertà, canuscenza e lu travagliu .
Tri cosi ca nun si po' fari a menu , comu la Santissima Trinità è tutt'unu,
si l'addumanni a tanta brava genti , chista è la spiranza c'aspetta ognunu.

La libertà di moviriti , parlari , diri , chiddru ca piensi e ti passa pi la testa
senza lu scantu ca quarchunu cchiù putenti , li tò diritti nega e po' calpesta.
La libertà di scegliri di la tò vita , comu , quannu , pi unni vuntari e jiri
senza pi chissu scappidrariti pi campari , a chiddru ca ti duna quattu liri.

La testa china di canuscenza è comu , di l'uecchi la bidrizza di la vista
l'omu avi a sapiri tutti li cosi di lu munnu , sennò comu n'armali resta.
Lu passatu , lu presentu , lu futuru , tutta la vera storia di l'umanità
sulu accussì un iornu potrà diri , qual è la giustizia e unni è l'infamità.

Chisti su belli paroli e sugnu sicuru ca tutti ccà li cuncurdammu
anchi si spissu la verità è n'antra , e tuttu chistu ni lu sunnammu.
Cu sta liggiennu in tanti lu sapiti , pi fari la ricotta ci voli latti e cagliu
pi dari a l'omu dignità e menti sirena , l'unica cosa è aviri lu travagliu.

Austu 2009

Totò Treppiedi

Indice poesie: <http://www.solfano.it/treppiedi/index.html>

Pagina principale: <http://www.solfano.it>